

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- भारती अंतरिक्ष जात्तरी ग्रुप कैप्टन शुभांशु शुक्ला हुं'दे कन्नै एक्सियम-4 मिशन अज्ज दपैहरी अंतराष्ट्री अंतरिक्ष केन्द्र पुज्जोग।
- मंत्री सतीश शर्मा होरें बालटाल दा दौरा लाइयै अमरनाथें दी जात्तरा लेई बंदोबस्ते दा जायजा लैता। मगरा उ'नें सोनमर्ग च इक जायजा बैठक दी बी प्रधानता कीती।
- मंत्री सकीना इत्तू होरें स्कूली शिक्षा विभाग दे कम्मकाज दा जायजा लैता ते आखेआ जे बिजन कुसै समाजी-आर्थिक रुकावट दे हर इक बच्चे गी मय्यारी शिक्षा तोहड़ी पुज्ज दा पूरा-पूरा अधिकार ऐ।
- मुख सचिव अटल डुल्लु होरें आपदा प्रबंधन, राह्त ते आबादकारी मैह्कमे दी प्रदेश कार्यकारी कमेटी दी दुई बैठक दी प्रधानता कीती।
- अज्ज दुनिया भरै च नशीले पदार्थ ते गैर-कनूनी तस्करी दी रोकथाम सरबन्धी अंतराष्ट्री ध्याड़ा मनाया जा'रदा ऐ।

<><><><><><>

AXIOM-4 Mission

भारती अंतरिक्ष जात्तरी ग्रुप कैप्टन शुभांशु शुक्ला हुं'दे कन्नै एक्सियम-4 मिशन अज्ज दपैहरी अंतराष्ट्री अंतरिक्ष केन्द्र पुज्जोग। शुक्ला होर इस केन्द्र च पुज्जने आहले पैहले भारती बनी जाडन। राकेश शर्मा हुं'दे बाद शुभांशु शुक्ला होर अंतरिक्ष च जाने आहले दुए भारती बनी गे न। एक्सियम-4 मिशन च शुक्ला हुं'दे अलावा अमरीका, पोलैंड ते हंगरी दे अंतरिक्ष जात्तरी शामिल न। कल अंतरिक्ष यान दे टेक ऑफ दे किश मिनटें परैन्त शुभांशु शुक्ला होरें देशै लेई संदेस भेजेआ। उ'नें आखेआ जे 41 ब'रें परैन्त फही अंतरिक्ष च जाना उं'दे लेई बड़ा शानदार अनुभव ऐ। आकाशवाणी दे संवाददाता दी रिपोर्ट मूजब, प्रधानमंत्री नरेन्द्र मोदी होरें इस मिशन दी सराहना करदे होई आखेआ जे 140 करोड़ भारतवासिं दिआं शुभकामनां ते आसां-मेदां, ग्रुप कैप्टन शुक्ला हुं'दे कन्नै न।

<><><><><><>

औंदी श्री अमरनाथ जी दी सलाना जात्तरा दे मददेनजर, खुराक, सिविल सप्लाईज ते उपभोक्ता मामलें सरबंधी मैहकमे दे मंत्री सतीश शर्मा होरें कल बालटाल आहले आधार शिविर दा दौरा लाइयै जात्तरा गी बवस्थित ढंगै सिर करोआने लेई कीते गेदे बंदोबस्तें दा जायजा लैता। अपने दौरे दरान मंत्री होरें लंगर आहलें, श्रद्धालुएं ते होरनें सरबंधत धड़ें लेई जरूरी चीजें—बस्तें दी दस्तयाबी ते भंडारण दी समीक्षा बी कीती। मगरा मंत्री होरें सोनमर्ग च बक्ख—बक्ख मैहकमें दे ऐहलकारें कन्नै इक जायजा बैठक लाइयै जात्तरा मतल्लक तैयारिएं बारै जानकारी लैती। मगरा मीडिया कन्नै गल्ल करदे होई मंत्री सतीश शर्मा होरें आखेआ

<><><><><><>

Itoo SED Review

शिक्षा मंत्री स्कीना इत्तू होरें आखेआ ऐ जे हर इक बच्चे गी मय्यारी शिक्षा तोहड़ी पुज्ज दा अधिकार ऐ भामें ओह कुसै बी वर्ग जां इलाके दा रौहने आहला कीह नेई होऐ। मंत्री होर कल श्रीनगर आहले सिविल सचिवालय च इक उच्ची सतह दी बैठक दी प्रधानता करै करदि'आ हि'आं जिस मौके उ'नें स्कूली शिक्षा विभाग दी कारकरदगी दा जायजा लैता। बैठक दरान स्कीना होरें ढांचागत विकास, अध्यापकें दी कारकरदगी ते मनुक्खी संसाधनें दे प्रबंधन आहले खेत्तरें च हासल प्रगति दा व्यापक आंकलन कीता ते कन्नै बड्डी शैक्षणिक योजनाएं जि'आं समग्र शिक्षा, पीएम—पोषण, न्यू इंडिया लिटरेसी प्रोग्राम ते पीएम श्री दी अमल—आवरी सरबंधी स्थिति दी बी समीक्षा कीती। मंत्री होरें जम्मू—कश्मीर च शिक्षा दे मय्यार च बेह्तरी लेई जोआबदेही, पारदर्शिता ते असरदार रणनीतिएं दे महत्वै पर लोऽ पाई।

<><><><><><>

CS DMRRR

मुख्य सचिव अटल डुल्लु होरें आपदाएं मतल्लक तैयारिएं ते प्रदेश आपदा प्रतिक्रिया कोष सरबंधी स्थिति दा जायजा लैने लेई कल आपदा प्रबंधन, राहत ते आबादकारी मैहकमे दी प्रदेश कार्यकारी कमेटी दी दुई बैठक दी प्रधानता कीती। सिविल डिफेंस आहली प्रणाली गी निगगर बनाने दे मकसद कन्नै प्रदेश कार्यकारी कमेटी नै तैयारिएं ते समर्थ निर्माण दे तैहत 1 करोड़ 72 लक्ख रपे जारी करने दी मंजूरी दिक्ती। एहदे राहें सभ्मनें जिलें च सायरनें ते जनरेटरें दी खुश—खरीद कीती जाहग। कमेटी नै पुलसा दे डरैक्टर जनरल होरें'गी उ'दे औहद्धे मूजब, कमेटी दे सदस्य दे तौर पर नामजद करने पर बी बचार कीता ऐ।

<><><><><><>

Samvidhan Hatya Diwas

25 जून 1975 गी संविधान दा गला घोटियै मुख्य पर आपातकाल यानि एमरजेंसी थोपी गई ही,उजिसी “संविधान—हत्या दिवस” बी आखेआ जंदा ऐ। इस घटना दरान जान मुहानें आलें गी चेता करदे होई किशतवाड़ दे सरकारी डिग्री कालेज च इक कार्यक्रम करोआया गोआ। इस मौके पर किशतवाड़ दे डिप्टी कमिशनर पंकज शर्मा होर मुख्य परौहने हे जिनें इस घटना च जान मुहाने आलें गी श्रद्धांजलि भेंट कीती। साढ़े संवाददाता कन्नै गल्ल करदे होई एमरजेंसी दे इक पीड़ित राजेन्द्र सिंह होरें आखेआ.....बाईट

तोआई “संविधान—हत्या दिवस” दा कार्यक्रम भद्रवाह, रामबन, डोडा ते उधमपुर च बी होआ।

<><><><><><>

PM-MKB

प्रधानमंत्री नरेंद्र मोदी होर इस म्हीने दी 29 तरीक गी आकाशवाणी पर प्रसारित होने आहले अपने माहवार रेडियो कार्यक्रम “मन की बात” राएं देश—विदेश दे लोकें कन्नै अपने विचार सांझे करडन। एह इस कार्यक्रम दी 123मीं किशत होग। लोक इस कार्यक्रम लेई अपने विचार ते सुझा टोल फ्री नंबर 1800—11—7800 पर सांझे करी सकदे न। लोक अपने विचार ते सुझा नरेंद्र मोदी ऐप जां फही My Gov open forum पर भेजी सकदे न। विचार सांझा करने ते सुझा भेजने दी खीरी तरीक 27 जून ऐ।

<><><><><><>

Int’l Day Against Drugs

अज्ज नशीले पदार्थ ते गैर—कनूनी तस्करी रोधी अंतर्राष्ट्री ध्याड़ा मनाया जा’रदा ऐ। एह ध्याड़ा नशीले पदार्थ शा मुक्त अंतर्राष्ट्री समाज दा लक्ष्य हासल करने लेई कार्रवाई ते सैहयोग मजबूत करने दा आह्वान करदा ऐ। इस मौके उपपर अज्ज नमीं दिल्ली दे डॉ. अंबेडकर अंतर्राष्ट्रीय केंद्र च इक कार्यक्रम आयोजित कीता जाहग। इस कार्यक्रम च केंद्री समाजी न्याऽ ते आधिकारिता राज्य मंत्री बी.एल. वर्मा मुख्य परौहने होडन। प्रधानमंत्री नरेंद्र मोदी होरें अपने इक स्नेह च जंदी 12 जून थमां अज्जै तोहड़ी “नशा मुक्त भारत पंद्रवाड़ा” मनाने लेई नशीले पदार्थ दे नियंत्रण सरबंधी ब्यूरो —एनसीबी दी सराहना कीती ऐ।

<><><><><><>

IGP-Drug De-addiction

जम्मू जोन दे आईजीपी बी.एस.टूटी होरें कल छन्नी दे नशीले पदार्थ दी लत छुड़ाने ते पुपर्वस केन्द्र डीडीआरसी दा दौरा कीता जे उत्थे होने आले कम्मकाज दा जायजा लैता। आईजीपी होरें उत्थूं दे अमलेते नशे च फसी गेदे लोकें कन्नै गल्लबात कीती ते उत्थूं दे ढांचे ते चिकित्सिक सुविधाएं ते परामर्श सेवाएं दा बी निरीक्षण कीता। उनें उत्थें मरीजें कन्नै बी गल्लबात कीती ते उंदाहाल बी पुच्छेआ। उनें डीडीआरसी दे जतनें लेई तस्सली प्रगट कीती ते उत्थें मरीजें गी मिलने आली सेवाएं दा बी सराहना कीती।

<><><><><><>

Prog Announcement

आकाशवाणी जम्मू दे क्षेत्रीय समाचार एकांश आसेआ नशीले पदार्थ ते गैर-कनूनी तस्करी दी रोकथाम सरबंधी ध्याड़े दे पर अज्ज दपैहरी 12 बजे 25एं मिंटे दी विशेष परिचर्चा प्रसारित कीती जाग। इस कार्यक्रम च स्हाड़े परौहने होडन एंटी नार्कोटिक्स टास्क फोर्स जम्मू-कश्मीर मोहम्मद अनवार उल हक ते जम्मू यूनिवर्सिटी दे मनोविज्ञान डिपार्टमेंट दियां साबका प्रमुख आरती बख्शी। इस परिचर्चा च इनें परौहनें कन्नै गल्लबात करडन स्हाड़े एंकर जगमोहन शर्मा। तुस इस कार्यक्रम गी स्हाड़े इस्सै चैनल पर सुनी सकदे ओ। मीडियम वेव 303 मीटर यानि 990 किलोहर्टज ते एफ.एम 100.3 पर सुनी सकदे ओ।

<><><><><><>

DC Poonch

जमीनी स्थिति दा जायजा लैने लेई कल पुंछ दे डिप्टी कमीशनर विकास कुंडल होरें हाड़ औने आले थाहरें काजी मोहरा इलाका वार्ड नंबर-1 दा दौरा कीता। उनें उत्थें होए दे हाड़ करी नुकसान दा जायजा लैता ते हाड़ें खतरे कोला बचने लेई कीते गेदे हीलें दी बी समीक्षा कीती। डिप्टी कमीशनर होरें निजी संपत्ति ते ढांचे दे नुकसान दा बी जायजा लैता ते तुरत कारवाई आले निर्देश बी जारी कीते। उनें मुंसिपैलिटी दे ईओ गी मजूदा जलमार्ग दी गैहरी जांच करने लेई आखेआ ते भविष्य च हाड़ दे खतरे गी घट्ट करने लेई हीले लैने आस्तै आखेआ। तोआई उनें हवेली दे तैहसीलदार गी बी नुकसान दा जायजा लैने ते उनें हालातें गी तौले नबेड़ने आस्तै निर्देशित कीता। इस मौके पर बोलदे होई डिप्टी कमीशनर होरें आखेआ.....बाईट

<><><><><><>